

Umimmaat illersugaanerat pillugu Namminersornerullutik Oqartussat nalunaarutaat

Kalaallit Nunaanni pinngortitamik allanngutsaaliuineq pillugu Inatsisartut inatsisaanni nr. 11-mi 12. november 1980-imeersumi, § 2 aamma § 19 aamma Piniarneq aallaaniarnerlu pillugit Inatsisartut Inatsisaanni nr. 12, 29. oktober 1999-imeersumi, § 2, imm. 3 - 4, § 8, §§ 11-12, §§ 17-18, malillugit aalajangersarneqarput.

Atuuffi

§ 1. Nalunaarut manna Kalaallit Nunaanni umimmaat (ovibus moskuschatus) illersorneqarnissaannut atuuppoq. Umimmat nuna tamakkerlugu eqqisisimatitaapput, § 2-mi piniarneqarsinnaaneri pillugit aalajangersakkat eqqaassanngikkaanni.

Imm. 2. Nalunaarut manna naapertorlugu pisassiissutinik agguassineq kiisalu piniarsinnaanermut akuersissummi piumasarineqartut allat umimmaat piniagaanerat pillugu Namminersornerullutik Oqartussat nalunaarutaanni aamma akiliuteqarluni aallaaniarneq aalisarnerlu pillugit Namminersornerullutik Oqartussat nalunaarutaanni malittarisassaqartitaapput.

Pisassiissutinik, piffisanik sumiiffiinnillu piniarfiusinnaasunik aalajangersasareq

§ 2. Uumassusilinnut tunngassuteqartunik siunnersuisitseqqaarluni Pinngortitamut Naalakkersuisup umimmaat pisassiinikkut pinigaanissaannut pisassiissutit aalajangersarsinnaavai.

Imm. 2. Pisassiissutit uumasunut tunngasunik pissuteqartumik uumasut suaiaassusiinut ukioqqortussusiinnullu aalajangersimasunut killilerneqarsinnaapput aamma pisassiissutinut ikinnerusunut, nunani piniarfissani piffissanilu piniarfiusussani killilikkan piarineqartussanut, agguataarneqarsinnaapput.

Imm. 3. Qaanaap kommuniani inuussutissarsiutigalugu aamma sunngiffimmi piniarnermi kiisalu akiliuteqarluni aallaaniarnermi pisassiissutinik piniarneq piffissami 1. augustimit 20. septemberimut akuerineqarsinnaavoq.

Imm. 4. Kitaani inuussutissarsiutigalugu aamma sunngiffimmi piniarnermi pisassiissutinik piniarneq piffissap 1. februar - 10. marts iluani aamma 1. augustimit 20. septemberimut akuerineqarsinnaavoq. Akiliuteqarluni aallaaniarneq piffissap 11. marts - 11. aprilip aamma 1. - 25. julip iluanni akuerineqarsinnaavoq.

Imm. 5. Ivittuat Kommunianni inuussutissarsiutigalugu aamma sunngiffimmi piniarnermi kiisalu akiliuteqarluni piniarnermi pisassiissutinik piniarneq piffissani 1. - 31. martsimut, 15. julimit 15. augustimut aamma 1. - 30. novemberimut akuerineqarsinnaavoq.

Imm. 6. Ittoqqortoormiit kommunianni inuussutissarsiutigalugu aamma sunngiffimmi piniarnermi kiisalu

akiliuteqarluni aallaaniarnermi pisassiissutinik piniarneq piffissani 10. augustimit 10. septemberimut aamma 10. novemberimut 10. decemberimut akuerineqarsinnaavoq.

Imm. 7. Piniarneq pillugu Siunnersuisoqatigiit aamma kattuffit suliamut attuumassuteqartut pisassiissutit pillugit aamma sumiiffinnut piniarfiusussanut piffissanullu piniarfiusussanut killilersuutinut tunngasuni apeqqutini tusarniarneqassapput, takuuk imm. 1 - 6.

Imm. 8. Ukiumoortumik pisassiissutit kiisalu tamatumani atugassarititaasut isumaqatigiissutigineqartut piffissap umimmanniarfissap aallartinnginnerani nuna tamakkerlugu tusagassiorfitsigut tamanut saqqummiunneqassapput.

Piniariaatsit

§ 3. Umimmanniarnermi qoorortuut kisimik atorneqassapput. Qorortuut atorneqarsinnaatitaasut sullukinnersaat 6,5 x 55 kaliberiuvoq. Qorortuup imassai qaartartoqanngitsut (hel mantel) atorneqassapput. Qorortuut eqittaannartakkat natsuinnartakkallu umimmanniarnermi atorneqarnissaat inerteqqutaavoq, piniarneq aallaaniarnerlu pillugit Inartsisartut inatsisaanni nr. 12, 29. oktober 1999-imeersumi § 9, imm. 1 naapertorlugu.

Imm. 2. Taamaattorli akiliuteqarluni aallaaniarnermi atorneqartussaq sullukinnerpaaq 7,62 mm-iussaaq (30-06) aamma imassat qaartartoqanngitsunit allaanerusut atorneqarsinnaapput.

Imm. 3. Piniartup kialuunniit piniarneq aallartitsinnagu aallaasip nakersarsimanissaa pitsasuunissaalu isumagissavai.

Imm. 4. Umimmanniarnermi qimmit nassatareqqusaanngillat. Taamaattoq qimmeqarfiusuni ukiuunerani piniarnermi qimussit assartuutit atorneqarsinnaapput.

Imm. 5. Umimmaat ungoorneqarnerini assartuutit atoqqusaanngillat aamma assartuutinit umimmanniartoqaqqusaanngilaq.

Umimmammik pissatamik toqtsineq

§ 4. Umimmanniarnerup nalaani umimmammik pissaasup pisussaaffigaa sapinngisamik sukkannerpaamik taassuminnga toqtsinissani. Piniartup pisussaaffigaa umimmaap eqqorneqarnermi kinguninnguagut toqusimanera nalorninaatsumik paassisallugu.

Imm. 2. Piniartup umimmammik pissatamik ujarlernini pisariaqartitsineq naapertorlugu pissaanerup kingorna ullup unnuallu ingerlanerata sinnerani ingerlattariaqarpaa aamma umimmak pissataq nanineqartinnagu toqunneqartinnagulu allanik umimmanniartoqassanngilaq.

Imm. 3. Umimmak pissanneqartoq nanineqarnanilu toqunneqanngippat, piniartoq piniarnerup naammassineqarnerata kinguninnguagut Pinngortitamut Pisortaqarfimmut pissutsinik piviusunik ilisimatitsissaq.

Pinngortitami uumassusilinnik misissuinernut nalunaaruteqartarneq

§ 5. Umimmanniarmut akuersisummut tunngatillugu pisanik nalunaarsukkanik nassitsisarnissamik piumasaqarsinnaaneq piumasarineqartunut ilanngunneqarsinnaavoq aamma pinngortitami uumassusilinnik nujuartanik ilisimatuuussutsikkut misissuinermi atugassanik il.il. tunniussisarnissaq.

Imm. 2. Pisanik nalunaaruteqarneq imaluunniit pisanik nalunaarsuutinik kommunimut tunniussineq piniarnerup naammassinneqarnerata kingornagut kingusinnerpaamik sapaatip akunnerisa pingasut qaangiunneranni pissaaq. Tamatuma kingorna paasissutissat ataatsimoortillugit piniarnerup

naammassineqarnerata kingornatigut kingusinnerpaamik sapaatip akunnerisa arfinillit qaangiunneranni kommunimit Pinngortitaleriffimmut nassiunneqassapput.

Uumatillugit tigusinerit nuussinerillu

§ 6. Naalakkersuisut akuersiteeqqaarsimatinngagit umimmaat nuunneqarnissaat, ilisimajunnaarsinnejarnissaat tiguneqarnissaallu aammalu ungalusat iluiniitinneqarnissaat inerteqqutaavoq.

Kommunimi ileqqoreqqusaq

§ 7. Kommunimi ileqqoreqqusakkut kommunalbestyrelsi § 2, imm. 2 - 6 naapertorlugit amerlanerusunik piumasaqaateqarsinnaavoq nalunaarummi aalajangersakkanit sakkortunerusunik. Kommunimi ileqqoreqqusaq Pinngortitamut Naalakkersuisumit atuutilersinnejassaaq.

Immikkut akuersissuteqartarneq

§ 8. Ilisimatusarnikkut siunertanut ilanngullugu ilisimatusarnermut atatillugu piniarsinnaanermut Pinngortitamut Pisortaqarfik immikkut akuersissuteqarsinnaavoq.

Imm. 2. Umimmaat navianartorsiotsisut imaluunniit angallannermut atatillugu annertuumik akornusersuisut allatut aaqqiissutissanik iluatitsisoqarsimatinngagu toqunneqarsinnaapput.

Imm. 3. Umimmammik allamit pissanneqarsimasumik sulilu ummasumik takunnittup ajornannangippat umimmak toqussavaa nikisinnagulu qimallugu. Taamatuttaaq umimmak toqungasoq siumorneqartoq nikisinneqarani qimannejassaaq.

Imm. 4. Imm. 2 - 4, naapertorlugit umimmaat toqutat Namminersornerullutik Oqartussanut pigisassanngortinneqassapput. Umimmammik pisqaqnermi akisussaasup pisussaaffigaa piniarnerup ingerlasimanera Avatangiisnut Pinngortitamullu Pisortaqarfimmut nalunaarutigissallugu.

Pineqaatissiinerit

§ 9. § 2, imm. 3-6 aamma §§-ini 3-mit 7-mut aalajangersakkanik unioqqutitsinerit akiliisitsinermik pineqaatissiissutaasinnaapput.

Imm. 2. § 2, imm. 3-6, § 3 kiisalu § 7 unioqqutillugu umimmattat Naalagaaffiup karsianut tuniussassanngorlugit arsaarinnissutigineqarsinnaapput.

Atuutilerfia il.il.

§ 10. Nalunaarut una atuutilerpoq 15. februar 2001.

Imm. 2. Peqatigitillugu umimmaat eqqissisimatitaanerat piniagaanerallu pillugit Namminersornerullutik Oqartussat nalunaarutaat nr. 11, 26. juni 1999-imeersoq atorunnaarsinnejarpooq.

Alfred Jakobsen

/

Hans J. Høyer

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut